

Viver e lavurar i'l center da l'Engiadina

Per cumplettar nos team in seguit a la pensiun da nos mainascoula tscherchain nus ün/-a

mainascoula (50% - 80%) e commember/-ra da la direcziun operativa da cumün Üna co-direcziun da scoula es pussibla Cugnuschentschas da rumantsch sun d'avantag

Sco mainascoula surpiglia El/Ella tenor legislaziun chantunala da scoula la direcziun pedagogica, persunala ed administrativa da nossa scoula rumantscha cun raduond 160 scolaras e scolars da scouline fin s-chalin ot.

Las incumbenzas principalas sun:

- Manar e sustgnair tuot il persunal da scoula inclus planisaziun da persunal, organisaziun da substituziuns e la controlla da l'accumpliment da l'incarica professiunala;
- Respunsabilità pel svilup e per la sgürezza da la qualità da scoula e da l'instrucziun, sco eir la surveglianza da progets da svilup da la scoula;
- Coordinaziun süls secturs d'integraziun e da masüras pedagogicas-terapeuticas;
- Planisaziun e coordinaziun da cuors da perfecziunament, preparaziun da propostas d'elecziuns e da demischions da magistraglia, sco eir l'accumpliment da novas persunas d'instrucziun;
- Execuziun e surveglianza da las disposiziuns legalas sco eir da l'organisaziun da scoula (planisaziun e program annual da scoula, uraris e plans da pensums, scumpart da classas, organisaziun da locals);
- Respunsabilità per la planisaziun, la controlla e las expensas dal preventiv da scoula tenor disposiziuns chantunalas e cumünalas;
- Commember/-ra e collavuraziun illa direcziun operativa da cumün.

Seis profil:

- Diplom da mainascoula CAS respectiv DAS obain la prontezza d'obtgnair tal;
- Esperienza professiunala pedagogica e da manar persunal;
- Bunas cugnuschentschas da l'EED sco eir da las linguas rumantsch e tudais-ch a bocca ed in scrit;
- Möd da lavurar independent, structurà ed orientà a soluziuns;
- Abiltà da lavurar in ün team e suot squitsch, discreziun ed aigna iniziativa;
- Möd da comunicar transparent e dad ota stima.

Nus spordschain:

- Üna fich bella chasa da scoula renovada cun infrastruttura moderna;
- Classas survisiblas omogenas chi permettian ün bun contact tanter persuna d'instrucziun ed uffants;
- Gronda libertà illa planisaziun ed illa creaziun pedagogica, ill'organisaziun ed i'l svilup dad aignas ideas;
- Pussibilità interessanta da collavurar illa direcziun operativa da cumün.
- Magistraglia ingaschada e cun respunsabilità, ün cussagl da scoula avert;
- Sustegn dal secretariat da scoula;
- Ün ambiain natural, ingiò cha oters fan vacanzas.

La piazza da lavur po gnir surtutta cumplettamaing obain in fuorma d'üna co-direcziun da scoula. Id es pussibel da cumpletter il pensum da mainascoula cun ün pensum d'instrucziun. Implü daja la pussibilità da's lavurar aint illa piazza d'ürant l'on da scoula 2025/2026.

Entrada in piazza il plü tard pels **1. avuost 2026**.

Per ulteriuras infuormaziuns sta il president dal cussagl da scoula Jürg Wirth (079 438 50 08), il president cumünaal Domenic Toutsch (079 355 58 60) e/obain il mainascoula actual Peter Thiele (081 851 44 61) gugent a disposiziun.

Annunzchas per quista piazza sun d'inoltrar in scrit culla documainta üsitada culla notizcha „Mainascoula“ per mail a l'adressa chanzlia@zernez.ch obain a l'adressa postala: Cumün da Zernez, persunalmaing, Chanzlia, Urtatsch 147A, 7530 Zernez.

Inserat in Deutsch

